

林下筆記

林下筆記卷之二十五

春明逸文目錄一

國家盛事

欽慶殿失火

睿寶天成

還御東闕

春宮春頌

庚寅應製

藻院銀花

濟源殿堂

林下筆記卷之二十五

春明逸史目錄一

國家盛事

歡慶殿失火

睿質天成

還御東闕

春宮眷顧

庚寅應製

藥院銀咒

濬源殿變

晉接儒賢

聖痘平復

聖聰記存

誕日應製

正朝陳賀

聖度包容

雕牆塗灰

嗽芳齋

儉德恭記

禁中古硯

漢陰紅牌

戒才

支勅記年

堂后同僚

夢遊摘文院

叅外六魚

待教南床

古金牌

玉牌沿革

鑄字典守

閣臣新舊錄式

叅下對讀官

召對恩數

坦齋警語

科後戎

三詩軸

壬寅閣卷

幼時聰慧

仁政殿災異

火藥庫失火

鍾閣

東門之整

史官恩遇

內閣無相避

外閣

崇禎御真

召對座目

御前聯句

皇明實錄

孫武子懸吐

體論類編抄輯

國朝謨訓抄輯

几杖教書

白駒記名

紀功祠碑

先輩期待後進

入燕三貧

經山寄詩

高麗村

燕京會館

燕俗重東人文華

安南使臣

中國門號之識

稱萬歲之始

葉志詵論隸

燕京雜戲

浙東長腰米

不食牛肉

千里鏡

遠視鑿鑿

鶴膝眼鏡

辨古咒法

古銅制

覃溪舊宅

燕人問萬歲橋

中國士友贈遺

各司禮數

灣尹擇差

灣衙觀親

鴨江斷流

道光太后

統軍亭舉火

聚勝亭懷古

灣庫債案

比年西行

關西名題

渭江艇書

當品完伯

貢饌定例

庫債徵蕩

蒲鞭不用

巡路村童

邊山望海

完伯還拜游觀

秋堂審理

續蘭亭會

嘉梧谷壽藏

喉臣感仁德

大造殿入侍

洗心臺射帳

父子講官

父子備堂

續大典攷據

祭文製進

沙里院紀蹟碑

藕華亭感舊

載寧郡夫婦獄

芙蓉堂豎碑

芙蓉堂紀遊

碧城

金沙

請仍循吏反當問備

海西夫人庫

北伯擇差

公堂不廢

咸鑄始末

蕩滅銅債

罪人斯得

老峯深衣

行鄉飲禮

行鄉射禮

省謁先院

咸營城堞

兩相交承

西北吏隸服色

肅慎古蹟

覆盆子說

三政釐正廳

癸亥辨誣

外任製進國輓

啓請名幕

甲子返面

少日談命

康卜之奇

唐舉之奇

振山紀夢

先考夢諭

梅花夢兆

福州屏

屏帶有徵

家傳蕉扇

可吾退士墨

張園譙遊

見詩識氣像

衡園酬酌

林下筆記卷之二十五

月城李裕元景春輯

春明逸史

橘山退士林下錄起草於辛未季秋作記旋閣至孟冬禁直畢錄蓋其錄不論次序隨事隨記凡六冊

國家盛事

己丑元正純祖展拜真殿翼宗以世子陪駕憲宗以元孫亦為陪後帝王家三世同為謁廟從古罕有之事伊時卿宰班退相慶余弱年聞於家庭者也

歡慶殿失火

純祖庚寅孝明世子欒室奉於歡慶殿啓欒日失火
王考孝貞公馳入過一重臣探梓室安否冷談答之
際逢石厓趙公萬永問之趙公握手大哭曰尚未移
奉也後又問退梓室答以燒之公曰當念呂夷簡治
喪事趙公平生不忘是言云

屠質天成

純祖癸巳展謁廟宮憲宗春秋為七歲衮袍金冠乘
輦陪後凝黠端坐儼如成人士民觀者舉欣欣然有
喜色余於路左亦得仰瞻緬憶四十年事宛如隔晨

還御東闕

仁陵鞠行後翌日憲廟奉陪慈殿自慶熙宮還御于昌德宮上御褰服乘素輦出宮禮也

春宮眷顧

翼廟在春邸時余年十六被選菊製初試入對肅明特垂眷注翌日先大夫外任低擬蒙點人皆謂日昨睿聰有槩也而先君屢入節製之選厚被隆顧之恩何待今日而然也未幾先君登第遭庚寅之慟為畢生之恨

庚寅應製

記昔庚寅王世子設圓點應製于重熙堂主文金竹里履喬也世子書下一紙曰今科少論烜赫家為之甚好金公無以應之還納其紙及圻榜先大夫為狀元賜第天意有在人事自合也

藥院銀咒

憲廟丙申藥院器皿色渝大內震動都提舉苴溪朴公宗薰陳劄自列馳報於鄭公基善問可以參照善處之方鄭公未克奉復而書議于先君子先君引宣廟朝藥院下隸有疥瘡者誤研雜藥於銀器以致色變伊時因傳教勿問事答送翌日東朝以此下教析

諭事得已足後先君不向人言此事人亦不知其考
據之所由也

濬源殿變

憲廟丁酉秋上展拜于太廟出宮時有鷄飛上輦屋
自內問於國卜康姓人對以鷄屬酉方其兆似當白
衣周旋之事是日以濬源殿影幘變出事道啓入來
上具淺淡服行望哭禮舉朝奔忙其言有驗

晉接儒賢

憲廟癸卯春幸行華城遣閣臣金始淵傳諭于經筵
官洪公直弼使之入對於鷺梁行宮洪公承教來待

於是命史官傳諭如大臣入侍之禮上改御道袍卽
為延見巫問為學之要甚盛舉也山林召接曾自純
廟後絕罕至是始有之軍民觀者莫不如額

聖痘平復

癸卯秋憲廟患痘證候不順數日之間上下焦煎豐
恩國舅議進鵝膏宮人阻撓公厲聲叱退手自奉進
聖體竟得平復而趙公自是眼精昏眊畢竟廢視先
輩忘身慮國之誠如是也

聖聰記存

余在南床因講義規勉肄陣摠方之無益於學問後

八年憲廟語及伊時奏對亟補之君上雖在冲年臣子之言動無不記存於聖衷至矣哉

誕日應製

憲廟誕辰召諸閣臣於重熙堂賜坐宣饌命諸臣應製題以聽蟬七律製進知申洪荀玉鍾應為魁余為副教賤臣曰君作居首則人必謂私仰想當日事自不覺愴感之交中也

正朝陳賀

正朝陳賀大禮也內外命婦例為朝賀亦有習儀而正廟癸卯只行外陳賀陳賀行之則問安無之也

聖度包容

憲廟奉慈聖重修壽康齋親撰偉文命臣書之以楷
行書於榻前奉而進之及經御覽也始知誤落一字
悚惶罔措上笑曰舊本亦有落字之傍書添入者御
手磨墨親為夾書其包容之德有如是者題額字命
於經山鄭公元容取其多福也

雕牆塗灰

重熙堂燕寢也制度與外殿稍異面牆頗事雕繪游
觀金公興根請罪者役之人憲廟額之命塗灰覆之
大聖人虛受之量可以有光於史冊也余數十年後

見之塗灰如舊

嗽芳齋

憲廟儲古今書畫於一室名曰嗽芳齋命諸臣看檢臣因奏曰皇朝有一朝士多儲器玩書畫甚愛重之一日有僧請見之玩賞一回無數致謝問曰胡為謝乎僧曰皆為吾有故然也朝士恠曰何謂也對曰一時經眼足為一時之有矣其人恍然有覺即日敬之云上聽畢微笑更不以書畫等事下詢也

儉德恭記

憲廟燕居多御澣紵衣文房俱常品絕無奇巧之物

衾褥無緞纒帳帷遠紗羅此皆賤臣之所常仰瞻者
而外間多讐言甚可恨也

禁中古硯

正廟朝貴藍浦石使方孝良刻草龍等物成小硯其
時寶之若天球弘璧庚申後流落人間余近得一方
於宮人族屬果希品也藏于匣非敬物也敬先王手
澤也余入燕都朝士爭求藍石曰非淘硯比也可知
藍石不讓於歛產也

漢陰紅牌

辛丑上元夜夢孝貞公立於靈筵上招余伏于前授

一張舊紙奉而展視乃漢陰公紅牌也末端大書余
姓名三字而黃籤書之曰克紹李德馨遺蹟余抱而
起拜是年三月登第先是王考亦夢漢陰公來臨索
酒饌仰問白沙先祖答以種種相還翛然而去翌日
其本家以公之祠宇入京請借陪隸未幾又有科夢
尤奇哉

戒才

余委禽鄭門之初戲墨作字岳翁曰才之忌人一藝
亦然如君輩不必早得才名不若韜晦而避人猜嫉
未幾公直太僕趙公秉龜乘夜屢往請交公漫應之

而已後趙公語余曰君之岳翁白刃可蹈也其時棄
官歸家故云

支勅記年

余在灣府兩年之間再經北使一則憲宗大喪吊慰
行也一則道光皇帝傳計行也辛酉在海營支成豐
皇帝頒計勅癸亥冬抵京昇遊翌年甲子余以別慰
之任迎吊使通官等奉皆頗熟大抵支勅之際灣府
通事輩之先為操索為上然亦不可用一切之法也
上勅和色本性頗疎放向余疑曲別後連有問訊之
書贈余橘山意園額字筆法通勁不似滿人書也

堂后同僚

余於堂后與鄭基世南秉哲沈敬澤金益文洪祐健
趙然昌金世均趙秉駿金翊鎮金有淵李參鉉金敬
鉉張仁遠李墩趙龜植李裕膺諸僚同為周旋于今
三十年間已歸道山者殆參半俛仰今昔自不無人
琴之感也

夢遊摘文院

余幼時夢遊一所樓閣重疊金碧輝煌蒼松覆園兩
鶴在庭種種有如是之夢及策名選入內閣一如夢
中所見園松庭鶴的歷可記三年約直重縻是銜唐

人前定錄非鑿空之說也

叅外六魚

內閣建置後始有六魚之說所謂六魚者內閣待教
藝文檢閱政院注書弘文正字校書正字春坊說書
俱為峻選而一人兼帶也自設閣後至今九十年來
俱兼者僅為五六人豈可期也哉余亦幸得五魚而
說書則以春坊不設未也

待教南床

正廟丙申設閣以弘提副學人為內閣提學直提學
黃江漢景源李雙溪福源差提學俞止軒彥鎬洪國

榮差直提學李文翼秉模差直閣丁酉徐心齋龍輔
園待教而待教初無南床之魚故楓臯金公祖淳雖
待教陞六而未忝館錄矣止廟教于政院曰所謂副
提學來待嚴責之自後命單付南床自徐公有槩始
也其時副學卽李公義弼世以所謂副提學朝之直
閣則始以銓郎備望逮純廟朝始為行園而不得直
擬館職伊後則稍稍擬差云

古金牌

設閣初錫鑄金牌二件刻奎章閣學士之牌七字直
閣待教用為前導質極鈍朴旋卽廢置乃以木刻塗

金代之余嘗尋閱果然長廣大於今時之牌重不可
用藏在庫儲人無知者

玉牌沿革

玉堂銀牌中葉以玉為之刻經筵廳玉牌五字牌隸
藉此為生梗之資惹開問市若或毀傷則累及他人
所以代用木刻塗銀改玉字為蠟字今號為蠟牌玉
署之清高自是而減矣內閣設後金銀牌隸互爭先
後以是入關銀牌隸敲出關外自是前導廢舉皆抑
鬱今則復古

鑄字典守

列祖鑄成活字可謂我東天珠河圖也藏於鑄字所
卽闕內東所字內而無典守者每每見失故余管閣
務飭令該所衛將檢察偷竊者使之間五日來告伊
時頗有効近復如前云

閣臣新舊錄式

叅外閣臣出六則不拘新舊錄陞品矣甲午以前政
色吏恣意立論至有新舊之別此雖不悖於理而古
規則違矣陞品人之東壁直擬依舊也

叅下對讀官

辛丑冬余以曾經翰林蒙點於對讀官副擬隨衆入

叅承命讀試券至數三張無止之之教命官為奏被
選之券不必盡讀上微笑止之其後又以此任入叅
方讀券承旨洪公在詰奏曰試券向上展之對讀官
在券頭奏之好笑上可之乃倒看讀奏僅兩成搖上
大笑止之伊時周旋雖若窘踰反為眷顧之階事不
必索恠也

召對恩數

壬寅夏余初入內閣上不時行召對賤臣講綱目幾
盡卷讀奏無止之之教承旨尹默堂正鎮讀奏無多
遽命止之體諒其年老也尹公雖老講聲中節洪亮

可聽自足頗垂眷注而竟不得進用士友惜之後尹
公葬於嘉平立石里地近余鄉而卽余薄庄之所屬
也追想伊日事具券付其家

坦齋警語

表叔履坦齋朴公遭人言借寓江榭余往謁公書示
所作五律一首余次韻五疊立成以呈公一覽無所
教後對先君言曰甥兒年少氣銳作詩太無恟意湏
警飭也蓋公於詩律本是困作故戒諭後生如是然
余豈欲速作敢爲銜能也哉公諱綺壽官吏曹判書
內閣提學謚孝文以文學忠孝名於世

科後戒

余決科也坦齋公先戒之曰勿近雜術人登科前策
命評相容或無恠科後人喜匪類舉皆見敗古之監
戒非一二人汝何嘗見此等人於吾家乎公之言尚
不忘若逢方外人輒思公言而遠之其效不知中甚
多

三詩軸

余於應榜日承諸公已賀詩坦齋詩曰高門軒冕儻
來榮宅相才賢早策名魚躍龍門雷雨會鵬搏羊角
海天程小儒全尚詞章習大器終須學力成實下工

夫經史裏公餘却掃更專精經山詩曰唐時學士宋
時卿俱是泥金帖裏名貴相先徵儒雅氣清班共數
世家聲宜知青紫由經術卽看風雲入遠程賀語門
闌多喜色錦鞵飛到杏花明紫霞詩曰櫟學名家況
少年掄才今見得人全存亡感憶東江老歡喜魔狂
北院禪大小篆生分隸古杜蘇詩近性情傳難量異
日君成就蘆舫羣賢證墨緣時補為三詩軸

壬寅閣圈

壬寅閣圈時坦齋朴公至圈而待教會圈也余得七
點趙秉駿金世均六點也余當為首望而坦齋曰吾

何以內舉乎諸人皆曰點多者自當為首竟從衆議
而人皆服公之正後公語余曰汝之此銜儻來也何
必使我當難處之地乎嗟歎未已公之心於斯可
見

幼時聰慧

余年四五歲時事徃徃記得笑鰲恩君及琶西丈之
來臨吾家歷歷存想後閱耆社畫像帖兩公之儀形
宛如幼時所瞻而年長後事頗多遺忘何哉鰲恩君
諱敬一官左議政以孝旌閭於余為族曾祖琶西即
族丈劉書集斗也

仁政殿災異

純廟甲子仁政殿火改建其時各道公廨及倉廩多
火憲廟朝大樑折其時不敢言是事己酉後修改稍
卑幾尺蓋甲子火後別無大害折樑後幾年憲廟昇
遐

火藥庫失火

記曾戊寅年間余暑月早起天無雲而大雷聲遽動
於終南之際窓櫺搖撼鎖鑰自開少焉如瓮似甌之
火焰湧出合成大塊黑雲彌漫天際忽然西北風驟
起驅出火塊於南山之外湏臾城內湏洞共傳南營

火藥失火云始也慮無不到終焉好風來自料外竟得無事天也

鍾閣

余少時大鍾落後三十餘年又落不幾年火改建制度宏麗凡三見是役也

東門之整

興仁門年久俯於東乃擗風之力也將整之難以用工木遂以大麻索繫之於西縱橫如張羅待霖雨使索潤而緩及其曝也索乾而縮門隨而自正此姜彞五之計而余少時所見也宋時築百丈塔匠手斜其

西人恠之後積受西北風塔遂正事見歐陽集姜君
事亦從文字上出來也

史官恩遇

先輩每勸余多入堂后俾知筵體故所以仕於堂后
者為百餘日之多而西飛南床後亦為是任以是今
日所行之事皆前日經歷者也憲廟常以史材稱之
有所由而然也當子朝以史官生疎至勤飭教賤臣
奏曰同副與廳注職掌最緊故必先講習而後能之
挽近廳注之任每多厭避故以致生疎矣臣則曾以
待教檢閱屢為假官而預備翰林本自無礙即故事

然也

內閣無相避

余拜待制坦齋朴公時帶提學余卽具疏請避批曰
閣職之無相避自有先朝聖批不為允許蓋正廟曾
有所處分故近例援此也

外閣

正廟朝設外奎章閣於江華府藏當子冊寶御諱帖
又奉大明御筆置閣屬一如內閣而丙寅以後遂廢
之

崇禎御真

憲廟手封一簇子下于內閣仍有勿開精奉之命閣
屬無以知之後值皇壇奉審時使之移安於敬奉閣
於是始得展瞻乃毅宗皇帝聖像也龍顏宛帶宵旰
之憂想像伊時事不覺傷心也噫神州陷於腥羶而
惟獨青邱一隅為乾淨之地何幸天子御真儼臨下
土使我聖上得伸尊周之義是豈偶然而然也

召對座目

召對命下則入叅諸負之座目弘文館出草告于堂
后例也先叅贊官次玉堂次閣臣而資品不論也余
在右史釐正此規一從資級高低書之而出諸邸報

則不然以叅贊官玉堂先之

御前聯句

憲廟進諸閣臣命詠酒五言聯句時入侍者臣徐憲
淳金興根尹致秀南秉哲李裕元也按次押韻首句
云種秫成佳釀徐新方自杜康味甘垂禹戒金德頌
記劉狂雅興詩人伴尹時求老婦藏三盃通大道南
百觴仰無量梳禁嫌盈滿李爵金取色香謫仙眠在
帝徐居士醉為鄉已喜愁城破金端宜俗曰忘五齊
陳禮器尹萬壽祝公堂挾髓春風入南吸喉夜月涼
交醕賓主拜李相替少長行糟滴鴉偷眼徐罐竒羊

轉賜白衣朱粟里金紅友渡潯陽開甕霞熏繞尹煮
爐霧縠賜禪遊蓮社許南靈藥菊泉芳酒史補餘韻
李陶然興趣長徐台十五句應命而退

皇明寶錄

純祖己丑命購求皇明寶錄是謄本也翼廟令金相
履喬作小識刊於第一匣使之藏於內閣余在直廬
謹就其中抄我東事彙成一卷歸之楓石徐公有槩
其語惟年例貢獻等事也憲廟甲辰命移奉于皇壇
將與天球河圖同垂於無窮也

孫武子懸吐

余直搗文院憲廟下孫武子二冊命懸吐以入余書
生也軍旅之事未之聞焉何能解兵學既奉教矣不
獲已招在直檢書使之執筆口授以懸仰塵乙覽後
幾年見於樂善齋夾室未知今在何處也

體論類編抄輯

閣直靜閒繙閱書籍為消遣法擬輯一書俾作攷據
之資以發明綱目為主繼以宋元及明史諸書就中
可備顧問者分類抄存彙成二十四卷題以體論類
編謀王體斷國論非正史不可為之之義也草出楓
石徐公校正心庵趙公斗淳見而稱之曰吾亦有意

莫遂者也。謏去一本，更囑以資治通鑑，依此成書。

國朝謨訓抄輯

體論類編既成，繼抄國朝寶鑑中，最所鑑戒者，彙成二冊，名曰國朝謨訓。未及校正，而游荷趙公秉龜見於直中，亦為謏去。

几杖教書

憲廟乙巳，豐恩國舅壽躋七旬，命賜几杖，御醞法藥，以寵之。禮也。教書製述，難其人。雲石趙公寅永拈余差，知製教使之撰進。原文載於續文苑，補敝初以文草斤正於雲石也。公以懿親二字改入於句語中。余

謂懿親用於王室同姓雲石拈出古文淵鑑外戚教
文用懿親之句指而示之余得知之

白鴈記名

余試士清南叅榜人有趙姓者以鴈為名甚恠之後
進士趙白鴈來見余詰其命名之由曰厨上有白鷺
之巢感而名之余曰非白羽之白是白牌之白其人
笑而起

紀切祠碑

余素拙於筆而人皆愛之嘗應心庵請書其所撰紀
切祠上樑文雲石相公見而悅之語心庵曰以何福

力得來好手筆俾書其文乎紀功祠者幸州所在權
忠壯公賜額院也雲石奏請建祠而仍撰碑文以余
為忠壯外商充書寫之役

先輩期待後進

彛齋權公敦仁以嚴見憚而愛余最深余以問郎與
公周旋為一朔之多後或徃拜公必進書畫與之評
論雖尋常疏草亦出而示之雲石趙公簡重寡言而
見余則輒多酬酌皆余叅下時事也以余渺末何以
得此於老成而兩公之虛懷下士推可知也

入燕三貧

憲廟乙巳余充三行人雲石笑曰君聞入燕三貧之
說乎文貧言貧銀貧之謂也又曰姓字之失本音最
可悶也余以詆諧聽之及入燕也所謂三貧者果如
公言而公姓之趙字稱以子午音惟余李氏不失本
音

經山寄詩

經山鄭公就養於長子成都任所聞余赴燕郵筒寄
詩曰灣陌離歌出塞時綠江舟動危初移三更雪幕
風笳裏試誦星辰帟豹詩註曰僕於越江露宿之夜
得句云枕上星辰動床邊帟豹眠大為楓皋太史所

稱賞今於年久之後為君記之余經其地儘覺公詩之視當也

高麗村

瀋陽有高麗村徙本國被擄人居之者也其人俗尚我國耕食水田善作蔗餅東使之過也必羣集而觀之以餅饋之償之以東產我國南門外亦有異胎院壬辰後徙置倭種因以為名今無稽之

燕京會館

余在都門為彼中士友所携往遊會館則留館者爭相求書不覺日之昃費繭紙屢百幅而最勞神者展

一紙大可數三間運意排字艱辛寫出雖得衆人憐
於我何有及歸眼眩腕疼仍作數日苦少壯者猶
如此况衰邁之人乎赴燕者不可不知

燕俗重東人文筆

金邵亭永爵贈詩文於赴燕人彼中一朝士索覽不
還裝潢成帖遍徵題跋通問三十年不替卽大理少
卿李雨帆也余尋雨帆出示此帖燕士題語曰東國
服習中華文翰如此稱爲小華者宜也余亦於是會
作楹聯題額不少翌日多見於市肆

安南使臣

余入燕都見安南國使臣冠帶制度如我國其團領
胥稍屏帶網巾之屬俱大同小異紗帽如我東樂工
所着而前後飾金花其人短小羸黑善文能書書尚
晉體官有學士寺卿等職為倣中國而然也噫一自
用夏變夷之後辮髮紅帽遍滿中土漢官威儀無地
可睹今見安南人其衣冠文物猶傳皇明舊制李芝
峯見該使臣自言非公會不著網巾云

中國門弭之識

宋徽宗改元宣和乃契丹宮門名徽欽至彼見額而
始悔明蘆溝門額一曰順治祝民一曰永昌祈國也

崇禎丁丑所建也後閩賊僭號永昌清人改元順治
遠之正殿曰洪武元之正殿曰大明後之國號年號
先見于此誰謂非正數也余見蘆溝橋順治永昌兩
門今無

稱萬歲之始

人君稱萬歲出於詩席拜稽首天子萬年之語而史
記封禪書禮祭中岳太室從官在山下聞若有言萬
歲云後世賀儀有萬呼之文實原於此余入燕叅保
和殿賀儀唱萬呼曰宛歲漢音萬音宛歲與我音同

葉志說論隸

燕館逢葉東卿共論隸法東卿謂余曰大凡隸書易於塗鴉而專書能一筆寫之無拘束態此固勝人處仍以有道在蔡藿所樂於桑榆之句請書喚軸余以隸應之因其所好也

燕京雜戲

中土人舉皆雜髮衣制不古惟三代之法服俱在於雜戲中看來可為於邑然而先王制度猶藉倡優而傳則是亦為幸耶聖人云禮失求之野不其近歟

浙東長腰米

余聞長腰米品為第一入燕購之於御廚房得二封

皆以朱字書之曰浙江貢獻米云其大不及我東早
稻然既供御膳則品勝可知所謂長腰米何獨擅名
於今古耶我國畿內之驪利湖南之沃萬等地俱極
膏腴不羨夫中土之沃野天府其所出之米足可抗
衡天下矣但浙東之種也孰所得種子使老農播植
及其秧出別無新奇宜力購來還覺一笑

不食牛肉

余與中朝人叙話為贈乾肉則不食曰我山東人山
東重農不食牛肉又贈他人其人笑而食之問其故
曰生肉不食以此見之山東之不食重農而然矣而

食之未諳也乾肉遠決膾不厭細然則南俗有之北方不然歟我國近於山東而其俗不同日堆幾百牛而農又不廢其俗量可知也李文成不食牛肉卽此意而昔人云牧羊則牛禁不勞而得此論甚好然土不宜羊享祀之需貿取於柵市則凡人所食其何以易之以羊耶

千里鏡

余在燕邸借得上品遠鏡對月視之月近咫尺而山河之影似非它像也形如梳器之覆其文碑磊淺處朗而深處暗惟是合璧之光蕩漾碧空眩人目精有

非管窺所可測量然桂樹玉兔之說殊覺荒唐矣古人云天地相去十七萬八千五百里若如是則月之去地雖與星辰相遜似此高遠之際豈可以千里之分有何增減也哉遠鏡之照雖及千里猶不足輕重況不及百里十里者乎千里鏡之理實為難解也

遠視鑿鑿

眼鏡之用為奇而遠視則尤奇矣余於燕市見一鑿鑿制非別樣而著以視之則十里內之微物可辨非比千里鏡之制度張大也呼價七百金無由購得惜哉

鶴膝眼鏡

眼鏡始出於西域滿刺加國眼二掛鏡取明也陳眉公曰形如大錢古者只有玻璃鏡音年尼明史出於英吉利一名英圭黎後有水晶鏡純祖庚午年間譯官購來鶴膝鏡茲後遍滿于世

辨古器法

以古器稱者皆贗也余於燕市看閱古器不為不多而俱不足道燕人亦曰真者僅有而偽者多也葉東卿示余以翁覃溪所儲一古鼎亦贗也辨之之法大者輕小者重然後為最良惟永平府太學所度宋器

稍近古制似象尊而有刻銘雖自皇明初傳之亦舊也何必以宋為準也

古銅制

鼎者所以熟食器也絕大曰鼐圜掩上謂之鬲小鼎也附耳外謂之鉞款足謂之鬲鉉所以貫鼎而舉之也鼎蓋謂之甑大曰釜小曰鍑無底曰甑大上小下若甑曰鬻土釜曰釜溫器曰釜斗也鉞鉞謂之鉞鉞蜀呼鉞鉞火亟曰釜凡觥一升曰爵二升曰觥三升曰觥四升曰角五升曰散一石曰壺六樽為饗

單溪舊宅

翁方綱舊宅今為葉東卿所居葉乃其婿也余尋葉
老觀其家舍別無宏偉奇巧之制便一書生家也但
一異石高可數丈堪供米顛袍笏之拜又一古鼎在
庭畔是果文人本色也昔月沙訪弇州宅樓榭壯麗
排奐炫耀云此則屢代卿宰之故也然而奢儉係於
其人之品操耳

無人問萬歲橋

蘆溝橋天下有名處也在於燕趙之界余玩而歸諸
朝士問萬歲橋優劣余曰其長可與同諸人壯之又
問制度余曰編木也諸人始大笑蘆溝橋以石為架

以玉為欄雕琢非常不容三帆竹真壯觀也余率甫
荅本國之樸見笑大方至今堪嘆

中國士友贈遺

燕都朝士之同為唱酬者多有贈遺葉志詵贈杏花
直幅古鼎圖姚衡贈紀年編喉症通論引痘新書山
海經箋疏姚覲元贈唐碑唐人近體詩抄歷代世系
紀年編文僖公石刻三種年譜三十五舉卷宣南吟
社詩錄呂綰孫贈賦色寫生及楹聯字米老帖畫扇
楊尚志贈紀元編黃爵滋贈蘇箋李伯衡贈東坡帖
沈亨惠贈墨刻紫陽楹帖蕭尺木姑孰山水刻本和

色本贈墨刻帖瑞常贈圖章王楚材王彥渠俱贈大
羊毫僧三明贈暉壽平畫周棠贈石鼓歌古今石刻
古硯蘭亭修禊帖直幅屏橫披古寶賢堂帖石章隸
書蘭竹畫漢碑俱是珍玩奚啻百朋也其所問訊之
書粧為簡帖五六卷藏于家

各司禮數

余以承宣叅次對憲廟申飭各司禮數至於摘奸以
至承旨之厨院供上看檢也進排官禮數亦不敢廢
時余適帶禮房厨院翌日上問禮數之如何以如例
行之仰對從此不得廢之

灣尹擇差

憲廟戊申灣尹缺上謂相臣曰遼門重地府尹擇差
何時不然而挽近包蔘一款大為弊端矣昨年雖出
郎目未有顯効云今尤慎擇差送可也鄭相元容奏
曰向以蔘獎矯執事自廟堂新定條式而臣則曰此
皆末郎也矯執之道惟當擇人而任之苟欲如是某
如松留灣尹之俱為擇差也上曰內閣通列之臣特
除則聲望所及原有彈壓之効以李裕元差遣則似
當善為矣鄭相曰誠如聖諭而閣臣可后者又有金
英根南秉哲李埈而裕元是臣侄婿得無近於內舉

乎聖教雖如此無以奉承上曰予意欲在指名特諭
則於卿何嫌之有哉

灣衛觀親

余任灣府家君以冬至正使入府之日境上迎觀前
此李公在學以府尹拜其大人崇祐上价之行蓋罕
有之事人皆榮之翌年春余內移未及歲特旨仍任
再觀於江頭若天恩有偏也時中原有事謗啓三出
連承安信因是而得燕簡承三緣北啓鴨艍觀再感
西仍之句題板

鴨江斷流

已酉夏鴨江之水無端斷流行人不揭而涉竟遭六月崩圯之變中國則繼有皇太后皇帝之喪使星絡繹疲於奔命而兩國大事終年未已

道光太后

道光皇帝太后嘉慶帝之後宮也太后之所生子欲害道光遂釀客于寢室道光知其由以手搏殺置之屋窩中終不言是事太后從宮妾輩聞之鵠殺其子道光感服事之若親母也余奉使燕京稔聞於朝士及余在灣府太后崩詔書出來言及是事曰有難忘之恩行三年喪云

統軍亭舉火

鴨綠江邊設戍軍結幕守之統軍亭上舉火則幕軍
一齋應火例也此為瀋府壯觀其來久矣李東岳詩
有自是軍中事畋獵城頭夜火不須疑者是也又有
一詩曰六月龍灣積雨晴平明獨上統軍亭誦傳簡
易簡易驚曰寒矣寒矣東岳問其故對曰積雨晴而
朝氣冷獨立於塞上江樓安得不寒乎蓋其境在乎
此問答矣

衆勝亭懷古

亭在瀋府城內間架不滿四十即宣廟駐蹕處也園

有丹楓數十株後軒留諸賢題刻其中亦有漢陰先生題詠余作龍灣誌序文先舉白沙先生躬執羈勒之事末曰余上府訖奉審衆勝亭入門而擎鞵馬升陞而趨走馬登軒而偃僂焉而思之曰是吾先祖之所嘗擎鞵馬趨走馬偃僂焉而籌劃謨猷贊我先王中興之所也敢不惕然而感肅然而敬忠義之心油然而生乎余之此記非但感舊聊為贈後俾作子孫他日之觀云爾

灣庫債案

勅庫錢放債久為清北民生難支之嘆矣查其舊案

則銀掇為錢錢掇為穀從中幻弄其端不一甚至雜
技酒麵之債亦入其中莫可清帳擇其可捧者略予
以刷其餘則並蕩而焚券別備七千緡俾作資本或
可為一分矯執之政也

比年西行

甲辰清南試士之行已也行甚赴燕之後以申灣府
擇差之任計其往返行程凡宿於練光亭為六次矣
半生宦蹤多在於清湏長樾之間信乎其有緣於關
西也

關西名題

閩西之最名稱者牙壤之練光亭灣府之統軍亭而
其題板不可勝數其中任疎庵叔英練光亭序與滕
王閣序一般統軍亭亦有之多傳誦之句

涇江艇書

余見涇江樓艇秋史書鄭知常採蓮詩其詩曰蓮葉
參差蓮子多蓮花相間女郎歌來時若伴橫塘口辛
苦移舟逐上波稱為樂府第一

當品完伯

三品之秩為方伯者甚貴而湖南九難余之所見者
昨表叔坦齋朴公游觀金公梧墅朴公永元圭齋南

僚秉哲是已彼諸公則文學政事足以當承宣之任
而余以迂疎之姿承乏於羣彥林立之際後又經二
藩一留世之經三藩稱者經山鄭公洪藹士祐吉及
余也

貢饒定例

進獻物種諸道中湖南最多卽五十三州之民歛也
恒式外漸為加定逐年釐謬有增無減余於是通計
一年所供之數均平定例又定閏條以為按次需用
而無閏則以其條作為更況又別備一節日進貢需
以支不恒之數而間架載錄井井有秩民皆便之吏

亦無怨

庫債徵蕩

湖南營各庫放債之案馴致奸竇視公貨如已物犯
官逋若茶飯而始以公錢重利取殖於民年倍歲獲
畢竟未捧者仍為逋竅釀成一部債帳矣所謂賑恤
軍役補軍三庫記付時在錢僅為四萬六千九百兩
零其餘各庫未收錢合為二十六萬餘兩乃於貢饒
定例後別為查櫛全犯逋者自首則其可辦者多為
二十四萬餘兩依數徵捧其難徵者二萬兩零特為
蕩減卽地給代分俵作還而流來債券悉焚之非惟

吏民之載欣抑余心亦快也

蒲鞭不用

余治湖南刑杖不用有不得已懲勵者皆屬則使幕裨推勘民人則自其邑酌處余唯拱手而已公逋數十萬金杖刷於一望之間而鞭扑不行於營庭梧墅朴公嘗稱之曰人所難及者此也

巡路村童

余於巡路過一荒村見蔀屋半地中有五六小兒爭出觀光身無蔽衣熙熙自得余乃感歎曰噫此固理也吾今從者數百食前方丈皆從彼屋中出故吾則

子姓少而彼之多男女卽與角不與齒之理也然而
將此易彼誰能為之智者當有以辨之矣

邊山望海

哲廟辛亥余以湖南節巡部入扶安縣之邊山本守
朴璫堂珪壽勸余觀海同登西臺則落照銜山之際
一抹濃霧初如烟起頃刻覆海薄於紗羅駸駸然厚
於綿布末乃絮花重疊宛若觸石之膚合少間水天
一色混濛渺漫成一銀汞世界儘為奇觀而恨無龍
眠手為之點綴也

完伯還拜游觀

余於紬郎後謁游觀相國公問曰既經道伯有何所
覺之事乎余曰京職之祿俸加厚然後士大夫可以
存廉隅矣公曰何謂也余曰士大夫貧窮故每多求
外而顧戀契活又陷于辜苟若祿俸厚則求外者當
少雖求之澤皆清白矣公曰治國當如何余曰得賢
者十一人則足矣公驚曰願聞之余曰大臣兩銓八
道伯而已公曰然守令何為余曰銓官賢則外任之
人自當擇差監司賢則守令從以善矣公曰兩銓何
為余曰此則在於閣下公擊節歎曰是哉是我令公
非以當坐於此庭

秋堂審理

哲廟壬子因大臣筵奏有京外獄案審理之命秋曹
三堂皆以曾經方伯者奉旨擬差而當品中只有余
一人仍拜秋議分掌文案為百餘度閱月乃畢余之
所傳生者終十人也

續蘭亭會

哲廟癸丑暮春設續蘭亭會於終南之墨溪山庄同
會者邵亭金永爵斗山趙英和蘭畦趙雲周浣溪趙
文和蕉坡朴興壽茶史徐堂輔鍾山李源命華山趙
命夏秋潭趙徽林鄔南趙雲漢扈溪鄭永朝石居金

基續星山趙然昌丹泉曹錫輿周溪鄭基世菊下趙
然興丹農李裕膺石篆鄭基命及余也一依禊帖之
事流觴咏詩而詩各按其原韻次第賦之仍為繪畫
與同人分度而燕士周棠卽會稽人而居蘭亭西者
也聞余此會為咏小華續蘭亭圖詩贈之嗚呼今距
右軍千五百年之間經是年而倣是會者不知凡幾
而獨以蘭亭傳為盛事吟咏之不足而圖繪之不絕
者非惟其筆法之冠冕千古抑其文章節義超出於
江左諸賢之上故後人之想像景仰若是也然則所
傳者在此不在彼吾儕盍思所以傳後之道也

嘉梧谷壽藏

余卜居維楊之嘉梧洞一日偶於洞之西麓得古人
瘞器處因營壽藏文苑諸公俱作文以記之尹椿溪
作記金游觀趙心庵金穎樵金荷屋南圭齋跋之鄭
經山系之以銘或曰預凶非禮也余應之曰此乃俗
士執拗之見非達觀者之謂也昔朱夫子有壽藏司
空表聖之居上官谷也因作幽宅與諸朋共飲其中
此果何如余雖欲之然而恨無同遊壙中之伊人耳
題其石曰李楠山翁新置標可吾福地現真顏翁不
欲聞言可若他人何必過吾山

喉臣感仁德

哲廟甲寅余以知中屢侍筵中猥以羣工問備事仰
奏玉色輒有難處之意多以安徐為教雖或依允屢
回斟量而後許之由是臨御以來小大無橫罹之冤
民到于今有於戲之思焉

大造殿入侍

哲廟戊午冬十月誕元子載生之百日上召接羣臣
于大造殿命示元子盛舉也時各宮所進餅架並排
于庭其品各殊雕繪采壽福成文蓋頌禱之事也

洗心臺射帷

堙宗當御洗心臺命承史閣臣射帳賤臣以知中侍
射御射三中賤臣亦二中上喜之賞皮物諸臣二中
者賞賜有次盛舉也茲後更不得應射以秩漸高也

父子講官

先大夫帶講官小子亦任講官一日開講命下玉署
吏來請於余余懸病吏稟於先大夫先君招余曰吾
將代爾赴講余乃惶恐而退縉紳傳為美談此與洪
相彥弼及其子暹俱無經筵事頗同而當作該廳典
故矣

父子備堂

英廟朝洪公鳳漢為相其子樂仁無備堂請通不允
正廟朝尹相著東言李冕應以父子同為備堂為難
安然前有已例請飭出上曰今願相洪樂性有父子
俱為行公之例此何為拘自是無相避之規而余以
知申差備堂時先大夫兼有司之任論者謂有司與
凡堂有異其議不一竟乃勿拘

續大典攷據

壺山朴相國晦壽在時任也於續大典中有考出之
事而有司諸負繙閱屢回未尋端緒籌吏持經國大
典以其意來稟於公余適在座請見冊子則註有續

補茅字乃言於公曰此冊是原編則續大典之補編
者當有之以是考出好矣公乃覺而諭遣之蓋經國
大典初於先廟朝而成廟以後事入於續錄

祭文製進

余非文苑材而猥叨兩館之銜一日忽拜藝提之命
卽為承牌製進太廟親祭文不過數時間事心庵聞
之曰迨來何多倚馬之才也

沙里院紀蹟碑

在昔純廟壬申西警時孝貞公以安岳守率兵三千
出禦洞仙嶺留陣沙里院賊平乃已此余幼時所習

聞也。哲廟辛酉，余以海伯因支勅過是院，問當時事。父老歷歷具道，於是斷石紀蹟而還。

藕華亭感舊

海州有藕華亭，純廟己丑，余陪先君通判之行，來遊是亭，留題板而歸。後三十二年，猥叨本營節復來於此，則亭已墟矣。張人事之遽變，歎光陰之易邁，於是鳩財重建，少變前規，而覓舊板揭之。會父老設小契，名曰桐鄉，禊後，祁堂洪公淳穆莅茲，亦為添鈔續修。

載寧郡夫婦獄

載寧郡曾有夫婦之獄，查其文案，夫打婦頗以年老

昏窒而斃因為成獄便作鐵案余曰有子女之夫婦
因微過相詰至於致死此非成獄之事於是更為鉤
竅竟宥之大凡獄案苟若詳細閱覽則多有傳生之
端而當之者或以前人所結不為關涉或以泛忽看
過不置審克昔月沙為秋堂獄案屢百度數日審理
而畢其時諸長老曰苟為克審克慎則非數日內所
判之事也以月沙之才先輩之論如後生之不能
早斷竟至年久無悔也

芙蓉堂豎碑

壬辰後宣廟駐蹕海州而仁祖誕降於芙蓉堂封其

房曰照日閣哲廟壬戌建碑于堂之嶼紀其蹟賴樵
金公撰文

芙蓉堂紀遊

芙蓉堂海西名亭也時值壬戌七月於是泛舟其下
載酒客與作既望詞以歌之此與赤壁之遊何如也
愧無坡仙作賦三材未能紀遊矣

碧城

芙蓉堂題板鄭礪詩曰荷香月色可清宵更有何人
弄玉簫十二曲欄無夢寐碧城秋思正迢迢此句塗
人耳目龍蛇之變倭奴獨愛是題賴而不燼李商隱

詩有碧城十二曲欄干之句礪之詩出於此而海州
因弭為碧城

金沙

長淵金沙細而重取之不得歲之囊中雖至十龍畢
竟節漏無遺此地有海棠產大豆黃拳比黃豆菜甚
大作羹太淡

請仍循吏反當問備

白川守金禹鉉素以循良稱移拜湖南郡將蒞之際
邑民遮路擔轎還置衙中齋訴願留之意余不得已
因民情請仍廟堂反以民習頑濫不可曲從該守對

理道臣越俸頌民刑懲之無何三南官長之為亂民
所逐者因廟啓一併仍任廟堂事若是也

海西夫人庫

壬辰後上命設一庫於海營以供道伯夫人之需有
勲勞於駐蹕時也余見文簿各庫進排者果有之而
別立一庫非也月俸計為三百兩而今敬入排朔可
謂有名無實也

北伯擇差

抵廟壬戌北伯因民擾連上教相臣曰北伯既連則
此時此任尤當慎簡時任監司與曾經中各別擇擬

好笑鄭相元容曰三南則合當三政釐正之會姑難
遷移西則臣有內舉之嫌矣上曰予聞海伯李裕
元果善治云今因民事而移擬則豈可存嫌乎鄭相
曰憲廟戊申李某擇差濟尹時既承聖教奉行今亦
依前擬入矣余於是自海西作關北之行

公堂不廢

余移北藩赴任之路聞舊伯之逝幕裨營屬請廢正
堂余聽而不答直入營中寢於公堂翌朝故為晏起
此或為彈壓之一端耶

咸鑄始末

余在咸營鑄錢設於本營事有成命蓋自訓局主管而道臣只檢飭也監官十人與邊首二十名自京下來初設四十爐駸駸加設至為百餘爐之多一細音所鑄為幾十萬兩然三次失火消融甚夥京鄉之人俱為狼狽翌年冬東朝下撤鑄之命仍飭道臣善為措處時當歲末捧債者呼哭道路至於邊首自裁之境矣聞自鑄所上京錢尚在元山因取三十萬不問誰某除殖清帳時癸亥十二月二十五日也翌年二月又因朝令作假家加鑄四月乃畢加鑄錢中二十萬因京闕納于龍洞宮十萬報京人債五萬分給監

官道首等一萬資匠色輩路費一萬因東朝命分俵
各社一萬又別給各社二萬入於流來雜費本營則
節目所載三細音稅合為七千五百兩甲山銅稅一
萬兩而已

蕩減銅債

咸豐撤鑄後甲山質銅債四十萬兩三偽標假券遍
滿一省勿論貧富無人不關由是京鄉牟利之輩伺
察罅隙將有網打之慮余於遞歸後仰請銅債一款
切勿舉論之意分付本道仍請一體申飭於關西道
臣袖啓蒙允

罪人斯得

俄羅斯國與厚春爭界為六鎮心腹之慮久矣癸亥春彼人投書恐動欲售搖撼之計余即開飭北柵使三訥探果挺我人之匿於彼者二漢是慶興府吏金鴻順崔壽學也啓聞正法由是彼人失意退去然此乃一時之事也將來之憂預難揣度則為官長者必須先事操束到底糾察然後庶有分効也

老峯深衣

余於北柵得見閔公鼎重舊衣二具一則與四襖衫同而無後析前兩幅相對下皆方齊領內對外方為

五六寸以紐鎖之前後三幅邊襪三疊緣加於上為
半寸許似與深衣袷移之制參互而多類於鶴氅也
一則綠色制如深衣而領則相對緣半寸在於衣袷
之內馬氏通考曰祭岳瀆絳緣領袖為中衣或倣此
鰲

行鄉飲禮

北俗素稱勁悍新經民擾頗有桀驁之習余思所以
觀感之方於是行鄉飲禮是禮也即三代揖讓之餘
也選儒士百人講定儀註消古設行觀者如堵庶有
感悟意蓋以鄒魯之風待諸荆楚之人自可為化民

成俗之一端也儀註藏於校院

行鄉射禮

既行飲禮則射禮示不可不講於是選日繼行然儒
生未嫻者矢使之屢日肄習然後始得成儀而節次
則少遜於飲禮今余此舉與民共樂乃刺史之事也
或有繼此而行之者歟

省謁先院

老德書院在於北青府先祖白沙先生安靈賜額之
院也余在閩北思欲省拜疏請蒙允於是以牙齋之
行謁俎豆之所石刻丁巳獻議暨三廟庭復審三樂

齋卽先生舊日居停處也惟我李氏幸藉先陰寔出
八相而四相來審也

咸營城堞

咸興府城堞卽玉城張公晚為道伯也使鄭忠武忠
信董從所籌者而至今數百餘年尚為完固先輩之
臨事周密為經遠之計推可知也余巡視則果無一
石之缺張鄭兩公白沙門人也

兩相交承

藥泉南公九萬為北伯多有經濟老峯閔公與之交
承一遵約束至於城郭樓櫓之役亦依其言行之故

西公事業為時所稱殆今百年尚此不泯先輩公身
忘私之義豈非後生所模楷者乎

西北吏隸服色

關西吏中有所謂典禮名目而供役之際帽帶舉行
然不過數三人而北關則名為土官者畫着帽帶每
日仕衙數三十人趨而前衣服甚鮮有非西關之可
比也入於殿最之啓而但無遷轉之例良隸之着紅
帖裏關西嶺南同然關北湖南則無之也

肅慎古蹟

關北古蹟有所謂石斧石槍石弩者蓋石弩則見於

經傳者也余爰作銘詞其斧曰大禹治水鑿山之斧
吳剛斫桂修月之斧爾慎斲石宜男之斧得之者昌
三千年斧其槍曰以鐵則鐵槍以石則石槍鐵耶石
耶爾慎之槍其弩曰駝彼飛隼越海而魯其帶維何
有北之桎已矣乎伊誰知夫爾慎之弩

覆盆子說

覆盆子產於長津者最佳也昔白沙先生謫北青有
人獻之先生悅其味進於疾恙中門人諫之先生曰
吾不欲久於世何必遠適口之物此載北遷錄余臨
時買來則當暑糜敗失其全形乃一紫汁也歆之甘

香爽口醺若飲醇真絕品也

三政釐正廳

哲廟壬戌上御法殿發策問軍還田三政之弊於是
京外人士俱獻討論之對仍命設廳使大臣勾管於
呈券中採其可用者俾為釐正之舉初心庵主其事
未訖旋為遷去經山代之然事竟無成識者恨之蓋
心庵則以蕩還悌結立論經山則以仍舊修舉執意
後心庵復入先行其法於湖南關西而未見藥祛効
生之端徒歸有名無實之科時余在海營亦具矯執
之方而惟是空言何補於事哉

癸亥辨証

中州人周少伯贈余吳興鄭芷畦所述廿一史約編
乃全史抄成者也余尋常見之哲宗癸亥尹公致秀
陳疏謂約編書朝鮮事者與國初宗系辨証有異請
更為辨正命陳疏重臣持冊子隨諸大臣入侍以尹
公差送使臣竣事而還福慶告布國朝故事辨証則
例為尊號於當字故哲廟有受號之舉約編一面共
八卷也

外任製進國輓

國有喪輓章製述人抄啓後舉行而閣臣在外任則

雖未入抄一體製進例也余在濟府當憲廟已酉在
咸營當哲廟癸亥俱為製進而臨時皆有內閣知委
也

啓請名幕

為道伯者每擇名武啓請幕賓多有其例余拜完伯
請訓鍊正申楹司僕內乘李章濂拜海伯請折衝申
正熙鄭雲龜皆極選也後未幾年李章濂亦以沁留
登壇其餘三幕俱至承宣亞將之列世或稱余之鑑
識

甲子返面

辛酉冬余以海伯辭陞抵廟乃見慰諭諄復居外四年之間玉音尚在耳及甲子入京滄桑已變慟寃靡極是年秋值宙合樓奉審之日仰瞻大行睟容庸伸返面之義

少日談命

北閩文姓者善談命余少時詢以休咎課年評論次第指的而止卿以後別無補焉恠問之答曰臨時自可知之及夫八座陞品卽出海西轉向閩北大拜而還止卿後實無可補之職而然歟

康卜之奇

康卜者云是故相繼之後也一日諸宰會坐各問休咎語及李公好敏生年月日對曰未幾恐有不吉居數日果卒由是擅名王考以余四柱問之時余未十歲也康大讚之後辛丑余再問焉康驚曰此乃吾於二十年前曾所論評者也今年必為登科出將入相之格故吾常不忘幸今重逢是年果大闡

唐舉之奇

余於戊午遇彥陽人吳姓者以麻衣術相余曰右手第二指黑子最貴若移於指之當中可以入閣以其逆言沆聽之甲子夏偶見手指則偏右之痣果移正

中而旋承拜相之命人皆以唐舉稱之余則曰年衰
皮皺自然變移何異之有

振山紀夢

庚戌余自龍灣歸往省振山時墓舍新成閱視倦卧
夢有一人書贈一句曰鳳雛二羽長又有人短衣戴
笠持一蕉扇置于樓上覺來莫省所謂而名其室曰
二羽樓曰蕉葉後八年丁巳先得一丈夫子又十五
年甲子入相而仍作省掃之行坐於廳軒陪隸之奉
蕉扇者置之樓上其粧束宛如伊時夢中攜前程似
有定也

先考夢諭

壬戌五月余在海營夢大雷電有若翻覆者然又火光燭地余怕甚不敢開戶忽有人持燈相照曰大爺有教公其無傷也其人卽文貞公舊僊身已故者也越二年在北道聞大拜之報神精飛越與伊日入夢時無異也

梅花夢兆

古語云真人無夢又曰無想無因無夢余夢無虛發抑有因有想而然歟甲子六月在北道夢三本梅列於前一稍大而花衰二差小而花半綻三最小而花

邊白中黃伊日邸抄至聞鼎席俱備之報心庵趙公
拜領揆余拜左揆荷漪任公百經拜端揆矣蓋任公
以正卿入閣以金搜玉而余則已登崇品也

福州犀

犀之上品必稱福州蓋其體堅如玉而文彩異常大
勝於華產博物志云別有通天犀種側見則如截束
髮而入水能照恠又有辟塵辟寒等種而未之見也
皇明孝宗時南邊士人治福犀得一奇文即南極壽
星像也鶴髮鳩筇儀形宛然愛而粧帶不敢私儲獻
之天子東國不知犀品只以好看稱為福州產可笑

屏帶有徵

憲廟己酉春文貞公奉審北陵四月生朝宿於安邊
官廨夜夢孝貞公以屏帶二圍授之一則古物也一
則蠟色葡萄文也後四年文貞公陞一品又十二年
癸亥余在北闕陞一品經山鄭公贈古帶曰此歐陽
文忠物也金陵南公曾得之於燕京朝士而趙雲石
昆季俱愛重之君其用之及甲子又得趙豐原家舊
藏卽蠟色葡萄文此帶嶺營火時自入于池中幸而
完之者也

家傳蕉扇

宗家有傳來蕉廟門內拜相則皆用之純廟甲子鰲
恩君以華留入相用之當丁甲子余以北藩拜相而
亦用之吾門中用是廟凡六次

可吾退士墨

海伯莅任則新製墨板例也余以可吾退士四字雕
板作墨蓋以休退質諸墨卿之意也始於海岱用退
士墨草成乞休疏携之北闕繼以是墨正書登徹余
意已決于今十年官愈冗而年愈邁退士之墨幾為
磨盡退士之身尚未永退墨卿有知應以退士之當
退而不退乎之負負矣噫

張園讌遊

往在甲辰余同鄭周溪基世曹相巖錫而趙星山然
昌朴錦舲永輔金石居基續趙石農應和遊張氏園
呼觴賦詩風流貽蕩世稱七學士會然果能追古人
之西園雅集乎恨無圖繪以傳伊後諸公俱登卿宰
而相對話舊居然老白首矣能無流光迅邁之歎耶
諸公次第遇甲年以詩相贈亦稀事也


見詩識氣像

張園軀趙文肅公秉龜見之諸人之作皆有評語在
讚周溪作曰其詩語平順無礙滯好八字莫如此人

後果驗先輩之見人詩文先論其氣像。蓋詩出於性情故難掩其所存耳。

衡園酬酌

憲廟下未命行文衡園雲石趙公主之事已雲石向諸宰曰此後則誰是叅園者游觀金公曰李某洪某可以當之羣公舉皆為然洪某今右揆祁堂淳穆也李某即余而其時俱在叅外也先輩之期待如是



後果驗先輩之見人詩文先論其氣像蓋詩出於性
情故難掩其所存耳

補園制詞

憲廟十不命行太僕國璽石趙公主之事已會石向
諸事以此後則雖是吾國者游觀全公曰李崇洪案
可以處之者公舉曾為洪洪案今石趙公主洪案
李崇洪今而其時洪案外也先輩之相傳如是

